



SÁMEDIGGI
SÄMITIGGE
SÄÄ'MTE'G'G
SAAMELAISKÄRÄJÄT

SÁMEMUSIHKAGUOVDDÁŠPROSEAKTA
SAAMELAISMUSIIKKIKESKUSHANKE



SÁMI MUSIHKKAGUOVDDÁŠFIDNU LOAHPPARAPORTA

1. Duogášdieđut

Proševtta namma	Sámi musihkkaguovddášfidnu
Prošektakoda	S85948
Ulbmilprográmma	1B
Doaibmalinnjá	2
Doaibmanollisvuhta	6, Máhttima ovddideapmi dálon guovlluin
Proševtta váldovástueiseváldi	Lappi leanaráđdehus
Proševtta hálddašeddji organisašuvdna	Sámediggi
Proševtta vástuolmmoš	Juha Guttorm, hálddahushoavda
Telefonnummir	016-655021
Boastačujuhús	Saarikoskentie 4, 99870 Anár

Loahpparaportta čálii Sámi musihkkaguovddášfidnu prošektahoavda Annukka Hirvasvuopio-Laiti.

2. Čoahkkáigeassu proševtta ollašuttimis ja bohtosiin

Proševtta ulbmilat:

Sámi musihkkaguovddášfidnu ulbmilin lei čilget Sámi musihkkaguovddášfidnu vuodđudeami ja álggaheami eavttuid oassin Sámi kulturguovddážiis, mii ráhkaduvvo Anárii, ja dan dárkkuhusas koordineret ja organiseret sámemusihkkaohpahusa skuvllaide; oahppiide ja oahpaheaddjiide, ja vel joatkit Ijahis Idja – eamiálbmotmusihkkadáhpahusa ovddideami ja plánema.

Sámi musihkkaguovddášfidnu prošektahoavdan válljejuvvui **Annukka Hirvasvuopio-Laiti** ja su veahkkin prošektabargi **Jussi Isokoski**. Lappi leanaráđdehus miedihii prošektii joatkkaáiggi 30.11.2007 rádjai, álgoálggus dat galgai nohkat 31.10.2007.

Prošekta lei joatkkafidnu Sámemusihkkaohpahusa ovddidanfidnui, mas ráhkaduvvojedje eavttut sámemusihka ohpahusa álggaheapmái. ESR-fidnu Sámemusihka ohpahusa ovddidanfidnu doaimmai 1.1.2005 rájes njukčamánu 2007 loahpa rádjai.

Oktiibuot 8 mánu bistán proševtta áigge prošektahoavda ja prošektabargi jotkkii ga plánenbarggu Sámemusihka ovddidanfidnu áigge dahkkojuvvon plánaid vuodul. Proševtta áigge čohkkejuvvojedje searat earenoamážit ordnet ruhtadeami ja buvttadit sisdoalu Sámi musihkkaguovddážiis, mii boahá Sámi kulturguovddáža oktavuhtii go dat huksejuvvu Anárii. Sámemusihka ohpahus skuvllain geahčaluvvui ovddiduvvot ja ordnejuvvui oahpaheaddjiide ja beaiveruovttuid bargiide oavvilduvvon sámemusihka skuvlenbeaivi 6.11.2007 Anáris Siiddas.



SÁMEDIGGI
SÁMITIGGE
SÁÁ'MTE'G'G
SAAMELAISKÄRJÄT

SÁMEMUSIHKAGUOVDDÁŠPROŠEAKTA

SAAMELAISMUSIHKIKESKUSHANKE



Skuvlaoahpahus ordnejuvvui ovttas **Ulla Pirttijärviin** ja **Marko Joustein**, geat leaba ovttas ráhkadeamen sámemusihka oahppagirji. Nuoraid bándaleaira, gos oahpahuvvui sihke árbevirolaš ja moderna sámemusihkka, ordnejuvvui Čeavetjávrris 2.-4.11.2007. Ijahis Idja – eamiálbmogiid musihkkadáhpáhus ordnejuvvui Anára girkosiidas miessemánu 25.- 27. 2007. Musihkkatearbmarbargojo avku jorgalii viidábuš musihka sátnelisttá davvisámegillii – oktilis musihkkasátnelisttá váilun leamaš stuorra váttisvuohta sámemusihka oahpahusas, dál dán váttisvuhtii fitnašuvai geahpáduš.

3. Prošeavtta vuolggasadji, ulbmilat ja čuožáhatjoavku

Fidnu háltelinján doaimmai ain ovddit ESR-prošeakta, Sámemusihka oahpahusa ovddidanfidnu, man ulbmilin lei plánet ja lágideat diliid sámemusihka oahpahusa álggaheami várás sámequovllus. Prošeavtta vuolggasadjin lei viggat doalahit árbevirolaš sámemusihka hámiid (juoigguš dahjege *luohti*, sihke *leudd*, *liđve*), ordnet fásta sámemusihka oahpahusa sámequvlu, movttiidahttit nuoraid studeret iežaset árbevirolaš musihka, dahkat sámemusihka dovddusin sihke bealistis viggat ovddidit dan. Dán fidnu ovdal lei fas Sámedikki Suoma Musihkkaoahppolágádusaid lihtus jagi 2004 diŋgon ovdačilgehus sámemusihkkaoahpahusa ordnemis. Bargojoavkku ráhkadan ovdačilgehusa ovdal Sámediggi lei diŋgon Sámi oahpahusguovddážiš čilgehusa sámemusihka oahpahusa ordnemis. Dán čilgehusa čálii dutki Ilpo Saastamoinen.

Sámi musihkkaguovddášfidnu laktásii oassin álgui biddjon Sámi kulturguovddáža huksenfidnu, musihkkaoahpahus boahotá leat okta Sámi kulturguovddáža deháleamos doaimmain. Suoma ráđdehus mieđihii 24.5.2007 ruhtadeami Sámi kulturguovddáži, mii huksejuvvo Anárii. Ijahis Idja – eamiálbmotmusihkkafestiválas, man fidnu bargit lágidedje ovttas Anára Sámiservviin, Siida sámimuseain, Sámedikkiin, Sámi oahpahusguovddážiin ja Anára gielddain, geahččaluvvo oážžut áigái bistevaš dáhpáhus Anára girkosiidii. Dáhpáhusas ordnejuvvojit sámemusihka konsearttat, oahpahus, musihkkaseminárat jna. ja dat ordnejuvvui prošeavtta áigge jagi 2007 njealját háve, 25.- 27. miessemánuš (www.ijahisidja.fi).

Prošeavtta čuožáhatjoavkun ledje badjel 15-jáhkásaččat Sámequovllus. Oahpahusa plánemis goit vuolggasadjin leai álggu rájes dat, ahte boahhteáiggis oahpahus ordnejuvvo juo smávva mánáide. Sámequovllu oahpaheadjit ja beaiveruovttuid bargit ledje okta dehalaš čuožáhatjoavku.

Prošeavtta ordnen oahpahusain figgii doarjut nu árbevirolaš go moderna sámemusihka oahpahus.

4. Prošeavtta ollašuhttin ja ovttasbargu

Prošeavtta áigge kártejuvvojedje prošeaktaplána mielde oahpaheaddjiid ja gielddaid oaivilat sámemusihka oahpahusa ordnemis ovdamearkka dihtii nu, ahte johtti musihkkaoahpaheaddji ollašuhtta dan. Sámis leat guhkes mátkkit giliid gaskka ja dat buktá hástalusaid maiddá musihkkaoahpahussii. Váttisvuohtan lea dohkálaš musihkkaoahpaheaddjiid oážžun oppa guvlui. Báikkuid váilot maiddá oppalohká olbmot, geain livččii sámemusihka máhttu – báikkálaččat oahpaheaddit eai juohke sajis oppa gávdnoge. Oahpahus geahččaluvvošii ollašuhttot nu olu go vejolaš báikkálaš fámuiguin ja ng. ”Learning from the Elders” – vu gín, mas jo vuoras olbmot, geat hálddašit dán árbevieru, juhket máhtuset nuorabuidda skuvllas. Vaikko oahpahuvvošii ge dán vuogi mielde, de liikká dárbbášuvvo nd. veahkkepedago gá, veahkkeoahpaheaddji dahje koordináhtor, gii



SÁMEDIGGI
SÁMITIGGE
SÁÁ'MTE'G'G
SAAMELAISKÄRJÄT

SÁMEMUSIHKAGUOVDDÁŠPROSEAKTA
SAAMELAISMUSIHKIKESKUSHANKE



omd. fuolaha geav atlaš ordnemiin ja álkidahtta árbevieru máhtti boahtima luohkk álatnjii ja doaibmá maiddá veahkin oahpahusdilálašvuodas. Maiddá gáiddusoahpahusvejolašvuodát kártejuvvojedje ja lea hui jáhkehahtti, ahte oassi boahttevaš Sámi musihkkaguovddáža oahpahusas ordnejuvvoge gáiddusoahpahussan.

Proševtta áigge kártejuvvojedje oaivilat das, man viiddis guovllus johtti musihkkaohpaheaddji sáhtášii dikšut musihka oahpaha. Oktan molssaeaktun geahččaluvvui kártet, mo sámemusihka oahpahus sáhtášii ordnejuvvot johtti musihkkaohpaheaddji doaimmas nu, ahte skuvllaid ja gielddaid oassin bázášii dušše mátkegoluid máksin. Sáme gielat oahpaha buohta dát lihcostuvašii, daningo sáme gielat oahpahussii oážžu 100 % stáhtadoarjaga oahpaheaddji bálkkáide. Dasa lassin ferte diedus ge váldit vuhtii dan, ahte suomagielat oahpahusas leat mearkkašahtti mearri sámemánát ja bissovaš čovddusin oahpaha ordnen stáhta doarjaga bokte dušše daidda mánáide, geat leat sáme gielat oahpahusas, ii dáidde leat nu buorre. Sámemánát leat maiddá suomagielat oahpahusas hui olu ja váikke sámemusihka oahpaha ordnen sáme gielat oahpaha ruhtadanrámas leage doarjun veara ja sávahahtti ja das lea buorre álggahit, de liikká májggat oahpaheaddjit májgga skuvllas bukte ovdan fuolaset das, ahte báhcetgo suomagielat sámemánát obban sámemusihka oahpaha haga. Dát lea dehálaš ášši, man galgá boahtteáiggis váldit vuhtii. Giellahálešteamis nuppe dáfus deattuhuvvui maiddá dat, ahte sáme giella gullá mávssolaš oassin sámi árbevirolaš musihkkii ja vokálamusihka giella árbevirolaččat lea sáme giella.

Dárbu ja beroštupmi oážžut maiddá suoma luohkáide sámemusihka oahpaha nu, ahte dat šattašii oahpisin maiddá guovllu suomagiela giidda ja suomelaš álbmogii. Ideála dilli livččii, ahte sámemusihka váldojuvvošii sisa oahppaplánaide oppa sámeguovllus, goittotge eanet, go maid dat dál boahta ovdan musihka oahpahusas.

Sámemusihka oahpaha boahta plánet ja ordnet Sámi musihkkaguovddáš, man doaimma várás ohccojuvvo ruhta juo boahte jahká. Sámi musihkkaguovddáš doaibmá Sámi kulturguovddáža oktavuodas, mii huksejuvvo Anárii. Jurddan lea ordnet sihke árbevirolaš ja maiddá populára sámemusihka oahpaha skuvllaide. Sámi musihkkaguovddáža višuvdnan plánejuvvo čuovvovaš:

Sámi musihkkaguovddáš

seailuha ja ovdida árbevirolaš sámi vokálamusihkkastiillaid (luohti, leudd ja livde), *ordne* ealli ja ovdáneaddji sámemusihka oahpaha, *fállá* vejolašvuodaid sámi musihka ámmátlaš buvttadeapmái ja juohkimii, *ovddida* sámi musihka máhtolašvuoda, *lokte* sámi musihkkastiillaid ja dan bokte *lasiha* beroštumi sámi musihkkii.

Sámi musihkkaguovddáš buvttada lágálaš ja májggahámat sisdoalu dálá vugiiguin nu ahte seammás gáhte ja gudnejahtta árbevieruid.

Sámemusihka oahpahus joatkašuvvá dán EU-proševtta nohkama maŋŋá maiddá omd. Sámi oahpahusguoddážis ja Avvila ja Ohcejoga ráv esolbmuidskuvllas.

Ovttasbargu skuvllai guin ja oahpaheaddji guin lea dehálaš. Stuorra veahkin ja ovttabargo guoibmin prošehtii lei maiddá musihkkár, sámi leanadáiddár Ulla Pirttijärvi-Länsman. Suinna bargojuvvui ovttas earet eará árbevieru máhttiid kártemis, kurssaid ordnemis, oahpaheaddjiid skuvlenseminárain

ja skuvllaid mielde jodedettiin. Skuvllaid mielde johtima ja árbevirolaš musihka máhttiid jearahallamiid ektui mearrideimmet bargat ovttas Sámedikki árbevirolaš musihka oahppagirjefidnuin. Ovttasbargu lei lunddolaš daningo jearaldat lei áibbas seammá áššis; sámi árbevirolaš musihka oahpaheamis skuvllain. Skuvllain fidnojuvvui oppa Sámi guovllus ovttas Ulla Pirttijärvi-Länsmaniin, Marko Joustein ja **Petra Maggain**. Sámi musihkkaguovddášfidnu prošeaktahoavda oassálastá sámemusihka oahppagirjefidnui stivrenjo avkku lahttun.

Sámedikki hálddašan prošeakta j. 2007 lei musihkkaprošeavtta lassin Sámi kulturguovddáža plánemii laktáseaddji ESR-fidnu *Sámi kulturguovddáža doaibmamálla hábmen*. Ovddabealde máinnašuvvon prošeavttain bargojuvvui lávga ovttas nu guhká go fidnu bisttii. Seammá dahkkui maiddái riikkaviidosas Taikalamppu -mánáidkultuvrafiierpmádahkii gullevaž *Sámi mánáidkulturfidnuin*. 1.6.2006 álgán EMOTR-fidnu *Sámi ealáhusdoaimma koordineren- ja ovddidanfidnuin* bargojuvvui ovttas omd. Ijahis Idja -dáhphusa oktavuodas. Jussi Isokoski barggai ealáhusfidnui čilgehusa Suoma beale sámi musihkkáriin. Davviriikkalaš, Suomas guovvamánus 2006 álgán *Luohtearkiivaprošeakta* lea leamaš ovttasbargu guoibmin Marko Jouste bokte.

Ovttas davviriikkalaš *Juoigiid Servviin* lea ee. plánejuvvon oahpahus ja jerrojuvvon kommeanttat oahppoplánaáššiin. Juoigiid Searvvi ságadoalli **Mattis Hætta** gulai maiddái fidnu stivrenjovkui. Suomen Musiikkioppilaitosten Liitto jođihan Monimuotoinen musiikki -fidnu siste kártejuvvojedje earet eará unnitlogu musihka oahpahusa sierrasárgosat. Prošeaktahoavda oassálasttii fidnu čoahkkimiidda bargujoavkku lahttun. Prošeaktahoavda oassálasttii maiddái Virtuálamusiikkafidnu čoahkkimii ja muitalii prošeavtta ja sámi musihka birra. Deaivvadeamis guorahallojuvvojedje gáiddusoahpahusa vejolašvuodát musihkkaoahpahusas.

5. Almmolašvuolta ja dieđiheapmi

Prošeakta lea ožžon oainnusvuoda earret eará iešguđetlágan dáhphusaid ordnema bokte. Prošeavtta bargit muitaledje prošeavtta ja muđuige sámemusihka birra mánggain dilálašvuodain, mat laktásedje ee. Sámi kulturguovddáža plánemii ja dan birra dieđiheapmái. Prošeakta ordnii skuvlendilálašvuodaid, maid birra čállojuvvojedje mediai aviisadieđáhusat. Aviisadieđáhusain ja máidnosiin lei oidnosis ESR-logo ja eará gáibiduvvon logot. Addojuvvon radiojearahallamiid (YLE Sámi Radio, NRK Sámi Radio, YLE Radio Suomi) lassin prošeaktahoavda lea leamaš ovdan tv Oddasat -sáddagiin. Maiddái Ijahis Idja -festivála lea buktán olu oainnusvuoda prošeaktii. Fidnus lea ožžon dieđu maiddái Sámedikki neahttsiidduid bokte.

6. Váttisvuodat ja ávžžuhusat

6.1. Váttisvuodat prošeavtta ollašuttimis

Árbevieru máhttit, geat velá máhttet eakti árbevirolaš musihkkastiilla, álget leat juo boarrásat, ja danin sin ii leat álo nu álki gávdnat oahpahusbarguide. Oassi vejolaš oahpaheaddjiin ii maiddái leat leamaš hálos oahpahusbarguide. Dát buvtii váttisvuodaid báikkálaš árbevieru oahpaheapmái muhtin sajiin. Sáme guovlu lea maiddái hui viiddis ja dat maiddái buktá hástalusaid oahpahusa plánemii, ovdamearkka dihtii plánejuvvon johtti oahpaheaddji doibmamii.



SÁMEDIGGI
SÁMITIGGE
SÁÁ'MTE'G'G
SAAMELAISKÄRÄJÄT

SÁMEMUSIHKAGUOVDDÁŠPROSEAKTA

SAAMELAISMUSIHKIKESKUSHANKE

Proševtta ekonomijahálddahusa joraheapmi ja máksuibidjanoh camušaid čállin šattai hástaleaddjin, áddjájín ja lossadin.



6.2. Ávžžuhusat proševtta doaimama ovdideami várás

Proševtta hálddašanorganisašuvnnain galggašii leat barggus olmmoš, guhte vástida máksuibidjanohcamušaid dahkamis vai prošeaktaolbmot sáhttet vuojulduvvat ieš proševtta ollašuttimii.

7. Proševtta bohtosat

Fidnu lea lasihan dieđu sámiid ja sámi musihka birra ja seammás dat lea geahččalan seailluhit, ovddidit ja sirdit sámi musihka odđa buolvvaide ja ná dat lea dorjon sámi kultuvrra ja nannen sámi identitehta.

Proševtta dahkan barggus lea ávki boahhteáiggis vuosttažettiin Sámi kulturguovddáži boahhti Sámi musihkkaguovddáža doibmii ja maiddá njuolga skuvlaoahpahussii.

Proševtta mielde Ijahis Idja – eamiálbmogiid musihkkadáhpáhus lea ovdánan ja váldán saji Suoma áidna sámemusihka festiválan. Festivála mielde leat ožžon sámemusihka eambo oidnosii, dan birra lea juhkkovuvvon diehtu sihke fálluovuvvon sápmelaš musihkkáriide čuojahan-, lávlun- ja juoiganvejolašvuodat. Festivála lea bálvalan turisttaid sihke ráhkadan odđa sesoŋgga muđui jaskes áigái (miessemánu loahppa) Anáris, ná dáhpáhusas leamaš ávki maiddá báikkálaš fitnodatdoalliide. Prográmma lea fállun báikkálaččaide sihke omd. Davvi-Norggas boahán festiválagussiide ja lassín maiddá eará sajis Suomas ja maiddá olgoriikkain boahán turistaide.

Proševtta áigge vuodduvuvvon musihkkaterminologija jorgalanbargojoavku barggai dehálaš barggu ovttas Sámedikki giellaáššiidčállin **Ellen Näkkäljärviin** go jorgalii musihkkaterminologija ja musihkkasániid davvisámegillii. Bargojoavku jođieaddjin bargai jorgaleaddji ja tulka **Veikko Holmberg**, gean veahkin musihkkasátnelisttu dárkkisteami ja divodeami várás čoahkkanedje áššedovdit fil. tri **Samuli Aikio**, Norgga beale sápmelaš musihkkár ja neavttár **Sverre Porsanger** ja vel prošeaktahoavda Annukka Hirvasvuopio-Laiti. Lassín veahkki fitnašuvai sámegiela jorgaleaddjiin telefonna ja šleatgapoastta bokte. Bargojoavku barggu boadusin fitnašuvai davvisámegiela musihkkatearbmalistu, man vehkiin musihka oahpaheapmi šaddá olu álkibun nu Suomas go maiddá rájái badjel. Sámemusihka oahpaheami lea sakka goahcan oktilis ja čielga musihkkasátnečoakkáldaga váilun. Musihkkaterminologijalisttus lea davvisámegiela jorgalus, suoma- ja dárogiela vástideaddji tearpmat ja das leat mielde musihka oahpahusa vuoddosániid ja tearpmad lassín dieđusge maiddá olu sámemusihkkii (earenoamážit juoigamii) laktáseaddji sánit. Davvisámegiela musihkkasánit bohtet oidnosii internehtii, gos dat leat sámi oahpaheaddjiid, musihkkáriid, dulkkaid, jorgaleaddjiid ja earáid geavahusas, geat sániid dárbašit.

Sámedikki Sámi kulturguovddášbargojoavkkus Sámi musihkkaguovddášfidnu lei mielde earet eará auditorio, jietnadávastusa, loaidastanlávddi, duohkelanjaid sihke studio plánemis. Prošeaktabargi Jussi Isokoski ráhkadii viiddis čilgehusa teknihkas, maid auditorio ja studio dárbašit (čuovggat, jietnateknihka, jietnavurkenteknihka ja elerusttegat lávddi alde ja auditorios jno.).



SÁMEDIGGI
SÁMITIGGE
SÁÁ'MTE'G'G
SAAMELAISKÄRÄJÄT

SÁMEMUSIHKAGUOVDDÁŠPROŠEAKTA
SAAMELAISMUSIHKIKESKUSHANKE



Sámeguvlui ja sámekultuvrai prošeavttas leamaš ávki nu, ahte divrras ja áidnalunddot musihkkaárbevierru lea geahččaluvvon seailuhuvvot ja ain ovddiduvvot, dahkkot dovddusin ja dan bokte oazžut odđa čehpiid. Árbevieru máhttit leat kártejuvvon ja sidjiide leat fállon dilálašvuodát oahpahit dáidduid nuorabuidda, ná lea maiddáí boarrásut buolva movttiidahtton joatkit árbevierrobargguin ja sirdit dáidduid odđa buolvvaide. Fidnu áigge lágiduvvon musihkkaleairrat ja kurssat, mánggat logaldagat ja loaidasteamit ovdamearkan Sámi kulturguovddášfidnu olis ja maiddáí Ijahis Idja – musihkkadáhpáhus leat lasihan dieđuid sámemusihkas ja maiddáí sámekultuvrras nu sáme- go suomagielat olbmuide sámeguovllus. Sámenuoraid identitehta nanne iežas gielain addon ja iežas árbevierus vuolgán oahpahus. Lassin sámenuoraid searválasvuoda ja čavláivuoda iežas kultuvrras lasihit kulturdáhpáhusat (ovdamearkan Ijahis Idja) gos deaivvaduvvo eará sápmelaččaiguin, eandalitge eará nuoraiguin, ja ráhkaduvvo iežas giela ja kultuvrra vuodul dáidda.

Musihkkaprošeavtta ordnen nuoraid musihkkaleairrain lea báddejuvvon valjis nu odđa go árbevirolaš sámemusihkka nu ahte nuorat leat ieža čuojahan, lávlon, juoigan ja levdden. Dát nu gohčoduvvon ”demot” leat nuoraide iežaset musihka fitnankorttet (r. visitkort), maid sáhtta čájehit váikkeba konseartalágideaddjiide dahje váikke dušše guldalit iežas ustibii guin ja bearrašiin ja dat báhcet muitun mañit ja giide várás. Sámenuoraid musihkkaleaira lágiduvvui Sámi musihkkaguovddášfidnu áigge Čeavetjávrris ja báikki alde ledje valjis oassálastit. Lassin Ijahis Idja – dáhpáhusa áigge lágiduvvui sámemusihka oahpahus konseartaid ja seminára lassin.

Maiddáí oahpaheaddjiskuvlejumis báddejuvvon báttiin lea mearkašupmi sámemusihka oahpahusas. Báttiid sihke daidda gullevaš rávagirjjážiid vehkiin ožžojuvvojit skuvllaid ja beaiveruovttuid oahpahussii lasi sámegielat lávlagat ja stoahkamat ja maiddáí juigosat. Báttit ja stoahkanrávvagat báhcet olles Sámevuovllu skuvllaide ja beaiveruovttuide oahppamateriálan.

8. Prošeavtta innovatiivavuolta

Prošeakta lea leamaš innovatiivvalaš ja oidnosis. Leat ráhkaduvvon fierpmádagat ovdamearkan Norgga ja Ruota sámii guin. Ovttasbargu eará eamiálbmogiiguin dahkkui ee. Ijahis Idja – dáhpáhusa áigge (Davvi-Ruošša eamiálbmogat).

Sámedikki sámemusihka oahpahusa plánemii vuddjon ESR-prošeavttain lea dahkkon áidnalunddot bargu ja ráhkaduvvon odđa, ovdamearkan sámemusihka oahpaheaddjiskuvlen ja Sámi musihkkaguovddáša doaibmamálla. Sámemusihka oahpaheaddjiskuvlen ii leat lágiduvvon gosge ovdal ii ge Sámi musihkkaguovddáša vástideaddji sámemusihka oahpahusa addi lágádus leat gosge. Ijahis Idja – eamiálbmogiid musihkkadáhpáhus lea ovdánan ja ožžon oinnolašvuoda prošeavttaid áigge.

9. Doaibmama bissovašvuolta

Sámi musihkkaguovddáš, man doaimma várás ohcco ruhtadeapmi jo jahkái 2008, boahtá plánet ja ordnet sámemusihka oahpahusa Anárii boahtti Sámi kulturguovddáša bokte. Idean lea lágidit nu árbevirolaš go populára sámemusihka oahpahusa skuvllaide birra Sámi ja joatkkaskuvlema



SÁMEDIGGI
SÁMITIGGE
SÁÁ'MTE'G'G
SAAMELAISKÄRÄJÄT

SÁMEMUSIHKAGUOVDDÁŠPROSEAKTA
SAAMELAISMUSIHKIKESKUSHANKE



oahpaheaddjiide. Dehalaš bargun lea seailluhit ja ain ovddidit sámi árbevirolaš musihka šlájaid. Sámemusihka oahpahas joatkašuvvá dán EU-proševtta nohkama maŋŋá maiddá omd. Sámi oahpahasguovddážiis ja maiddá Avvila ja Ohcejoga rávesolbmuidskuvllain. Sámemusihka oahpahas lea ordnejuvvon ja lágiduvvo ain maiddá Vuohčus báikkálaš fámuiguin.

Sámi musihkkaguovddáža doaimma álggaheapmin j. 2008 ja 2009 leat dahkkon bušehtat ja ruhtadanohcamušat. Dahkkon plánain jagiide 2008 ja 2009 jotko maiddá oahpaheaddjiid ja beaiveruoktobargiid musihkkaoahpahas ja ordnejuvvon mánáide ja nuoraide sámemusihkkaoahpahas. Ruhtadeapmi Sámi musihkkaguovddáža doaimma álggaheapmin jahkái 2008 lea ohcon Oahpahasministerijas. Oahpahasministerija ovddasteaddjiiguin lea deaivvaduvvon ášši olis Anáris čakčamánu 2007 ja Helssegis golggotmánus 2007. Sámemusihka buktagin ráhkadeapmái vuddjon EAKR-prošektii lea maiddá ohcon ruhtadeapmi.

Sámi musihkkaguovddášfidnu bohtosiid sáhtá geavahit ávkin boahhtevuođas kulturguovddáža musihkkaguovddáža barggus ja maiddá sámemusihka oahpahasas oppalohkkái.

Boahhtevuođas sámemusihkkaoahpahas juohkása oahpaheaddjiid oahpaheapmái ja oahppiid oahpaheapmái. Oahpaheaddjiskuvlen lea vealtameahtun dasgo sámemusihka ii bissovaččat oahpahuvvon Suomas gos ge – sápmelaš oahpaheaddjiin ii leat nappo vejolašvuohta studeret iežas álbmoga musihka vuoi sáhtášii oahpahit dan sámemánáide skuvllas. Diđolašvuohta sápmelaš musihkas lassána, sámegeielat oahpaheaddjit ožžot eandalii dárbbášan skuvlema ja ná nannejuvvon árbevirolaš sápmelaš vokálamusihka šlájaid oahpahas ja dan mielde sápmelaš kulturbiras ja maiddá sámegeiela ja kultuvrra sajádat. Musihkkaoahpahas lea ávkin sáme guovllus doaibmi sámegeielat oahpaheaddjiide ja oahppiide ja dat ovddida guovllus váikkuheaddji musihka doaibmiid ovttasbarggu.

Sámi kulturguovddážiis doaibmi Sámi musihkkaguovddáš juohká dieđuid sápmelaš musihkas maiddá váldokultuvrra ovddasteaddjiide ja addá áššedovdiveahki omd. sierra musihkkaoahppolágádusaide (omd. Sibelius Akademia álbmotmusihka ossodat) ja doaibmá sápmelaš artisttaid ávkin. Dehalaš oassi lea maiddá sápmelaš artisttaid barggu doarjumiis.

Sámi oahpahasguovddážiis lea plánejuvvon, ahte boahhtevuođas lea doaibmi sámemusihka linnjá sámedáidagiid skuvlenprográmma oassin. Sámemusihka oahpahuvvui Sámi oahpahasguovddážiis proševtta áigge sámegeiela ja – kultuvrra linnjá oahpuid oassin. Sámi oahpahasguovddáža oahppit oassálaste maiddá Ijahis Idja – eamiálbmogiid musihkkadáhpáhusii, dáhpáhus lei skuvlla oahpahasas oassin.

Oahppamateriálat válmmaštuvvet – bárrásiin barggu vuolde lea árbevirolaš juigosa d. luođi oahppagirji, mainna barget davvirikkalaš Luohtearkiivaproševtta jođihan Marko Jouste ja sámeleanadáiddár, musihkár Ulla Pirttijärvi-Länsman. Sámemusihkkabáttit, maid maiddá sáhtá geavahit ávkin musihkkaoahpahasas, válmmaštuvvet nu Suomas, Ruotas go Norggasge. Ođđa sámeartisttat bohtet dihtosi, buorre ovdamearkan Sámedikki musihkkaproševttaid skuvlemiin olu fártta ožžon ja oktiibuot golbma demobátti dahkan sámegeielat pop-rock **SomBy**-joavku. Joavku čohkiida 15-18 jahkásaš sámenuorain, geain lea jo plána iežas EP (cd, mas lea 4-6 bihtá) báddemis.

10. Proševtta ruhtadeapmi

ESR- ja stáhta ruhtadeapmi 99 300 €

11. Proševtta ekonomijahálddahus ja arkiivva doallan

11.1 Prošeaktagoluid dohkkeheamis vástidan olmmoš/olbmot (namma ja virgi)

Juha Guttorm, hálddahushoavda, Sámediggi.

11.2 Proševtta ruhtadoalus vástidan olmmoš dahje organisašuvdna

Hilkka Kukkonen, ekonomijajačalli, Sámediggi.

11.3 Hálddašeaddji jahkásaš ruhtadoalu dárkkisteamis vástidan olmmoš dahje organisašuvdna.

HTM, Irja Herkman.

11.4 Go prošekta nogai loahpparuhtadoallo dárkkisteami dahkan olmmoš dahje organisašuvdna

Ii leat dahkkon dan in go ruhtadeaddji ii dan gáibit.

11.5 Proševtta áššegirjjiid seilluheamis vástideaddji organisašuvdna dahje olmmoš

(vástida maddái das, ahte áššegirjjiid seilluhanbáiki lea dieđus goitge jagi 2012 loahppa rádjai)

Sámediggi, Saarikoskentie 4, 99870 Anár.

11.6 Proševtta áššegirjjiid seilluhanbáiki

(dálá dieđu mielde)

Sámediggi, Saarikoskentie 4, 99870 Anár.

11.7 Proševtta ruhtadoallomateriála (oktan duhtosiiguin) seilluheamis vástideaddji organisašuvdna dahje olmmoš

(vástida maddái das, ahte áššegirjjiid seilluhanbáiki lea dieđus goitge jagi 2012 loahppa rádjai)
Sámediggi.

11.8 Proševtta ruhtadoallomateriála seilluhanbáiki

(dálá dieđu mielde)

Sámediggi, Saarikoskentie 4, 99870 Anár.



SÁMEDIGGI
SÄMITIGGE
SÄÄ'MTE'G'G'
SAAMELAISKÄRÄJÄT

SÁMEMUSIHKAGUOVDDÁŠPROSEAKTA
SAAMELAISMUSIIKKIKESKUSHANKE



12. Čuovvunraporta

Dán loahpparaportta dievasmahtta mañimuš čuovvunbaji čuovvunraporta, mii lea ráhkaduvvon jagi 2007 čuovvunbajis 1.7. - 31.12. ja doaimmahuvvon proševtta váldovástuolbmui.

13. Čuvvosat

Dán raportta mielde leat guokte čuvvosa: Čuovvunraporta ja Ijahis Idja – Eamiálbmogiid jagi 2007 dáhpáhusraporta.

www.samediggi.fi
<http://www.samediggi.fi/projektit/muspro.htm>
www.ijahisidja.fi